



Skina di Ruthy

Pabien sra Ruby Rafael-Lake cu 40 año cu Ecco y famia Lichtenstein

Charla Curason di Dakota #2 dia 13 di Juni 2013

Skirbi pa Ruthy "Lady Ruth" Vrieswijk-Bergen

Hopi leuk pa sigui organiza Diasabranan di compra special den e curazon di Oranjestad, den caya Betico Croes, si...awor cu e tram ta corre, transporta nos dushi hendenan cu un dushi careichi. Mi a bishita algun di nos dushi tiendanan atrobe, negoshinan cu tin hopi año ta existi, manera La Linda, Bon Bini Bazaar y La Moderna cerca e bunita famia di Chipi Chipi. Tur di e negoshinan aki cu hendenan amabel, atento pa duna un bon servicio cu un smile y hopi pasenshi. Ta mi costumber pa cumpra awa di coco y



djei come e carni blanco di e coco, tur biaha cu mi bay den caya grandi. Mi tambe sa recorri den mi pensamentonan y un di nan a hibami cerca mi bon amiga di Dakota tur dia, Señora Ruby Rafael-Lake, un di nos hendenan muher bunita, balente, leal y servicial y hopi inspira y serio den su trabao. Ruby a cuminsa traha 40 año pasa cu e famia comerciante rumannan Shea y Adolph Lichtenstein. Nan cu a bin cu e prome shopping mall di Auba - Strada - Un bon vision di rumannan Lichtenstein - na 1972. Mi ta kere cu Mambo y Gobierno por cuminsa reconose hendenan asina fiel y cumplidor cu un of otro plakaat. Hendenan asina ta traha pa Aruba tambe, no solamente den tal of tal tienda. Nan tambe ta embahadornan den e ramo di turismo. Mescos cu e caballero di un tiki edad halto cu ta ricibi e clientenan na La Linda, Sr. Rolando. Semper elegantemente



bisti, y cu masha bon manera mes. Algo great !!! Mi ta corda cu mi a probecha di un di e grandioso baratillonan na Strada, na di dos piso na e lorada den caya, caminda tabata Bennetton, ayanan Ruby a cuminsa traha como salesclerk. Awor Bennetton ta situa den e skina den Renaissance Mall. Mi ta corda cu mi a cumpra algun bunita sombre y badpak. Awor famia Lichtenstein tin nan pacus den caya grandi



ECCO cu ta bay cumpli e año aki nan di 35 año di existencia cu nan mercancianan di calidad y na bon prijs di semper. Ruby a crece hunto cu nan den su capacidnan profeshonal y servicial y ta awor nan store manager balente, cu un bon team, y tur cu un respet grandi pa su bon manera y trato di y pa cu su grupo dinamico di sales, e departamento na unda e bunita hendenan muher aki tin contacto directo cu clientenan Nan ta traha den un dushi ambiente positivo. Bo ta topa tur di nan cu un sonrisa grandi, cla pa yuda y atende: Lucia, Margarita, Natasha, Adriana, Carla, Lydia, y Ondina. Cahera Olga y den oficina: Irena, Roosje, Olivia, Maria y Roy. Y nan costurera Lucia. Nos ta asina orguyoso di Señora Ruby Rafael-Lake di Dakota tur dia, e bunita esposa di Sr. Eric Rafael, talentoso musico, un di e caballeronan di Dakota cu a hanya un homenahe y reconocimiento e año aki, den e bunita programa anual di Sr. Marlon Sneek y su dinamico comishon, cu nos ta ponele den bunita luz awe, aunke e fecha di su 40 añanan di servicio a pasa caba. Mi a yama e oficina di ministro Otmar Oduber, cu ta haciendo un tremendo bon trabao, cu sugerencia pa nan hunto cu Mambo cuminsa reconose e baluartenan aki. Segun mi, tin hendenan na Bon Bini Bazaar, La Linda y na La Moderna cu tambe tin hopi pero hopi año ta trahando cu animo, energia y positivismo. Ta hendenan contento y satisfecho, pasobra nan ta worde bon trata y aprecia pa e doñonan di nan trabao. Ta ken na Aruba no conose Benji y su bunita y distinguida señoraesposa. La Moderna cu tur sorto di uniform, tambe pa schoolman. Asina mes cu chollernan a molestia y kibra bentana di glas di e lugar aki den pasado, La Moderna tey pa keda !!! Shonnan, ban celebra cu hendenan cu tin amor grandi pa Aruba, ban aprecia nan mas....ban balora nan mas. Tin mas di nos dushi hendenan cu hopi año di servicio y bon trabao na: Wulfen en Wulfen, Botica del Pueblo, De Wit en Van Dorp Bookstores, The Sting, Lucor, Maggy's y mas pariba e negoshi di famia Tieleman y Botica Oduber. Nan tur tin empleadonan cu 25 año of mas di servicio, hasta 40. Mas y mas ta haya sa cu e secreto ta den bo hendenan cu ta traha pa bo....bo ta trata nan bon....nan ta traha bon. Bo ta duna nan aprecio, regalo pa fin di año....nan ta traha cu mas curazon !!! Den caya grandi tin tambe negoshinan di comerciantenan hindu cu tambe ta aporta na e economia di Aruba. E curazon di Oranjestad ta carga pasenshi pa tur e bon trabaonan keda cla y cu tram coriendo, palo di matanan cu ta duna fresco como adorno....un dushi cafeteria riba di 4 piso na La Linda....waaaaaaw !!! Pa termina nos relato di e siman aki, nos invitacion di curazon pa bin scucha otro charla presenta pa Lady Ruth den Centro di Barrio y Deporte Dakota dia 13 di Juni venidero, den e capitulo 2 di e programa "Curason di Dakota" - Mesun orario di 7 pa 9 di anochi. E prome capitulo den luna di Mei tabata un exito dushi, cu un grupo no mucho grandi, pero net su cos pa a comparti di curason pa curason, temanan y topiconan interesante cu por inspira nos pa mas alegria y amor pa bida, pa nos mes como muherman fuerte....cu un danki grandi na e caballero Benjamin, di e fundacion Edad no ta conta pa su ekipo di zonido disponible, Manrique Capriles pa e dushi juicenan everlee cu a companja e dushi koekjesnan pa cortesia di Superfood. Danki Señora Nydia y Sr. Frank. Ta nos dushi y bunita hendenan cu a duna cu curazon....y pa nan tambe nos ta pidi Creador un dushi bendicion pa nan y pa nan bunita famia !!! Corda shonnan, cu Curason di Dakota su programa ta den un di e salanan na banda parti patras ora bo pasa door di e sala grandi meymey. No spanta pa e transparencia di Lady Ruth....ningun hende ta obliga pa papia y of bisa algo, por haci pregunta y por sinta scucha cu un curazon habri pa laga mas positivismo drenta den. Un di mi lemanan jolly ta bisa: Hari'mi of hari cu mi....pero hari shonnan, hari....crea bo mesun felicidad cu hopi alegria....pasobra tristezza ta bay man den man cu alegria !!!

Danki pa lesa e relato di e siman aki, nos ta desea henter Aruba un duuushi dia yen di alegria!